

SA's Leading Past Year

Exam Paper Portal



You have Downloaded, yet Another Great
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA NTLHA (FAL)

PAMPIRI YA BORARO (P3)

NGWANAITSEELE 2022

KAEDI YA GO TSHWAYA

MADUO : 100

Kaedi e ya go tshwaya e na le ditsebe di le 16.

ELA TLHOKO:

- Dirisa ruboriki ka gale fa o tshwaya tlhamo ya boithlamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO]

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAANKANYO (Tsibogelo le dikakanyo) Thulaganyo ya dikakanyo tsa ipaakanyo Temogo ya maitlthomo, baamogedi le bokao 30 MADUO	Maemo a a kwa godimo	28–30 -Tsibogelo ya maemo a a kwa godimo go gaisa a a tlwaelegileng -Dikakanyo tse di bothale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	22–24 -Tsibogelo e e tlhamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	16–18 -Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	10–12 -Tsibogelo ya tomagano e e sa tlhomamang -Dikakanyo tse di sa tlhapang e bile di se na boithlamedi -Bosupi jo bonnye jwa thulaganyo le tomagano	4–6 -Tsibogelo e e seng maleba gotlthelele -Dikakanyo tse di tlhakatlhakaneng le go tlhoka tsepamo -Di gasagane le go boelediwa -Ga e a rulagana e bile ga e a lomagana
		25–27 -Tsibogelo e e manontlhotlho, mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di bothale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	19–21 -Tsibogelo e e tlhamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	13–15 -Tsibogelo e e itumedisang, mme e latlhelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ga go na bosupi jwa thulaganyo le tomagano	0–3 -Ga go na maiteko a go tsibogela setlhogo -Dikakanyo tse di seng maleba e bile di sa siama gotlthelele -Ipaakanyo e e sa tsepamang e bile e tlhakatlhakane

RUBORIKI YA TLHATLHOBO TLHAMO YA PUOTLALELETSO YA NTLHA [50 MADUO] (tsweleditswe)

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
PUO, SETAELE LE GO TSELEGANYA/ RUNA Segalo, rejisetara, setaele le tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto 15 MADUO	Maemo a a kwa godimo	14–15 -Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo -Puo e e tlhololo, e itumedisa ka maemo a a tlhaolegileng -Segalo se se nang le maikaelelo a a tlhotlheletsang -Ga go na diphoso tsa thutapuo le tsa mopeleto ka gotlhe -Puo e e manontlhotlho ya maemo a a kwa godimo	11–12 -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Bogolo jwa yona ga bo na diphoso tsa thutapuo le mopeleto -Puo e tlhamilwe ka matsetseleko	8–9 -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tlhagisa bokao -Segalo se maleba -Tiriso ya malepa a a tlhotlheletsang ya go tlhagisa diteng	5–6 -Segalo, rejisetara, setaele le tlotlofoko ga di maleba le maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Tlotlofoko e lekanyeditswe thata	0–3 -Puo ga e tlhaloganyesege -Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao -Tlotlofoko e nnye thata, mme e dira gore go nne thata go tlhaloganya
	Maemo a a kwa tlase	13 -Puo e e matsetseleko ya tlhotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -E tlhamilwe ka manontlhotlho	10 -Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tlhamilwe bontle	7 -Tiriso ya puo e e mo magareng, ka go tlhoka tsepamo -Segalo se siame ka kakaretso le tiriso e e lekanyeditsweng ya malepa a tlhotlheletso	4 -Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota	
KAGEGO Diponagalo tsa setlhangwa Kago ya ditemana le go tlangwa ga dipolelo 5 MADUO		5 -Kago e e manontlhotlho ya setlhogo -Dintlhana tse di tlhaolegileng -Dipolelo le ditemana di bopilwe bontlentle	4 -Kago e e latelanang ya dintlhana -Lomagane -Dipolelo le ditemana di a latelana, di a farologana	3 -Kago ya dintlhana tse di maleba -Dipolelo le ditemana tse di bopilweng sentle -Tlhamo e sa ntse e na le tlhaloganyo	2 -Go na le dintlha dingwe tse di amogelesegang -Dipolelo le ditemana di fosagetse -Tlhamo e sa ntse e na le tlhaloganyo	0–1 -Dintlha tse di botlhokwa di a tlhela -Dipolelo le ditemana di fosagetse -Tlhamo e tlhoka tlhaloganyo

RUBORIKI YA TLHATLHOBO YA SETLHANGWA SA TIRISANO SE SELEELE SA PUOTLALELETSO YA NTLHA [30 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlahelelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlthomo, baamogedi, diponagalo/melawana le tiriso MADUO 18	15–18 -Tsibogelo ya maemo a a kwa godimo go gaisa se se lebeleletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	11–14 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	8–10 -Tsibogelo e e lekaneng e e bontshang kitso ya diponagalo tsa mofuta wa setlhangwa -Go na le tsepamo e e rileng – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	5–7 -Tsibogelo e e kwa tlase e e supang kitso ya diponagalo tsa mofuta wa setlhangwa -Ga e a tsepama ka gotlhe, mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–4 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/RUNA Segalo, rejisetara, setaele, maitlthomo, baamogedi le tiriso Tiriso ya puo le melawana Tlhopho ya mafoko Matshwao a puiso le mopeleto MADUO 12	10–12 -Segalo, rejisetara, setaele le tlotlofoko tse di lolameng thatathata le maitlthomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	8–9 -Segalo, rejisetara, setaele le tlotlofoko tse di lolameng thata le maitlthomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	6–7 -Segalo, rejisetara, setaele le tlotlofoko di maleba le maitlthomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	4–5 -Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–3 -Segalo, rejisetara, setaele le tlotlofoko ga di tsamaisane le maitlthomo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlthomo -Bokao bo kgoreletsegile tota
SEELO SA MADUO	25–30	19–23	14–17	9–12	0–7

RUBORIKI YA TLHATLHOBHO YA SETLHANGWA SA TIRISANO SE SEKHUTSHWANE SA PUOTLALELETSO YA NTLHA [20 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlthomo, baamogedi, diponagalo/melawana le tiriso MADUO 12	10–12 -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	8–9 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	6–7 -Tsibogelo e e lekaneng e e bontshang kitso ya diponagalo tsa mofuta wa setlhangwa — Go na le tsepamo e e rileng - go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	4–5 -Tsibogelo e e kwa tlase e e supang kitso ya diponagalo tsa mofuta wa setlhangwa - Ga e a tsepama ka gotlhe, mme kwalo e fapogile setlhogo -Diteng le dikakanyo ga di lomagane ka gale. -Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–3 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/ RUNA Segalo, rejisetara, setaele, maitlthomo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 08	7–8 -Segalo, rejisetara, setaele le tlotlofoko tse di maleba thatathata le maitlthomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	5–6 -Segalo, rejisetara, setaele le tlotlofoko tse di maleba thata le maitlthomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	4 -Segalo, rejisetara, setaele le tlotlofoko di maleba le maitlthomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	3 -Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–2 -Segalo, rejisetara, setaele le tlotlofoko ga di tsamaisane le maitlthomo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlthomo -Bokao bo kgoreletsegile tota
SEELO SA MADUO	17–20	13–15	10–11	7–8	0–5

GO KWALA LE GO TLHAGISA**KAROLO YA A: TLHAMO: MADUO – 50**

DINOMORO TSA DIPOTSO	DITLHOGO	MEFUTA YA DITLHAMO
1.1	Malatsi a me mo sekolong se segolo.	Kanelo
1.2	Thuto ke senotlolo sa isago e ntle.	Tlhaloso
1.3	Go nna morutabana go gaisa go nna mooki. Dumela kgotsa ganela.	Ngangisano
1.4	Botlhokwa jwa dikgwebopotlana mo metseng ya rona.	Kanelo
1.5	Fa nka nna morutwana mogolo ...	Maitlomo
1.6	Monate le bosula jwa go nna motsadi.	E e sa tseyeng letlhakore
1.7–1.8	Lebelela ditshwantsho tse di latelang, mme o tlhophe se le sengwe go kwala tlhamo.	Kanelo/Tlhaloso/E e sa tseyeng letlhakore/Ngangisano/Maitlomo

KAROLO YA B: DITLHANGWA TSE DILEELE TSA TIRISANO GAMMOGO LE DITLHANGWA TSE DI DIRISANG MEKGWA E E FAROLOGANENG YA TLHAELETSANO: MADUO – 30

DINOMORO TSA DIPOTSO	MOFUTA WA SETLHANGWA
2.1	Lenaneotema le metsotso
2.2	Lekwalo la semmuso
2.3	Tsa botshelo jwa moswi
2.4	Puo

KAROLO YA C: DITLHANGWA TSE DIKHUTSHWANE TSA TIRISANO: MADUO – 20

DINOMORO TSA DIPOTSO	MOFUTA WA SETLHANGWA
3.1	Phasalatso
3.2	Molaetsakhutswe (SMS)
3.3	Ditaelo

PALOGOTLHE YA TLHATLHOBO: 100

KAROLO YA A: TLHAMO**MEFUTA YA DITLHAMO****GO TSHWAYA TLHAMO**

- Tlhamo e se abelwe maduo go se na bopaki jwa gore e buisitswe.
- Maduo a bofelo a tlhamo a tshwanetse gore a bo a netefaditswe.
- Tlhamo ke boithamededi ga se tshobokanyo mo mafoko a lekanyediwang.
- Motlhatlhojwa a se sokelwe dirope fa a sa kwala boleele jo bo lebeletsweng, motshwai a ele tlhoko kelelo le malepa jwa boithamededi.

Molao ke gore:

- Go se nne le dikotlhao tse dingwe, gonne ruburiki ka bo yona e na le dikotlhao tsa yona.

1.1 TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Malatsi a me mo sekolong se segolo.	✓ Motlhatlhojwa a ka bua ka ngwaga o a simolotseng go tsena mo sekolong se segolo. ✓ Motlhatlhojwa a ka bua ka botsalano ba gagwe le barutwana ba bangwe. ✓ Motlhatlhojwa a ka bua ka seemo sa thuto. ✓ Motlhatlhojwa a ka bua ka barutabana ba a neng a ba rata le mabaka a a tlhodileng lerato loo. ✓ Motlhatlhojwa a ka bua ka mefuta ya metshameko le gore o ne a tsaya karolo mo motshamekong ofe? ✓ Motlhatlhojwa a khutlise ka maikutlo a gagwe.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

[50]

1.2 TLHAMO YA TLHALOSO

Mokwadi mo tlhamong e, o tlhalosa sengwe ka mokgwa o mmuisi a tla itemogelang se se tlhalosiwang jaaka go batlega.

Setlhogo	Dintlha tse di solofetsweng
Thuto ke senotlolo sa isago e ntle.	✓ Motlhatlhojwa a tlhalose ka mosola wa thuto. ✓ Motlhatlhojwa a tlhagise bontle bo bo ka tlisiwang ke thuto mo isagong. ✓ Motlhatlhojwa a nne le thotloetso mo bašweng. ✓ Motlhatlhojwa a khutlise ka maikutlo a gagwe.

Kaedi ya go tshwaya: Tlhamo ya tlhaloso

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimololeli.
- Motlhatlhojwa a bontshe fa a na le maitemogelo ka setlhogo se.

[50]

1.3 TLHAMO YA NGANGISANO

Mo tlhamong e, motlhatlhojwa o tlhagisa kakanyo, ntlhakemo, mme a nganga ka maitlomo a go dibela ntlhakemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Setlhogo	Dintlha tse di solofetsweng
Go nna morutabana go gaisa go nna mooki. Dumela kgotsa ganela.	✓ Motlhatlhojwa a tlhagise gore a o dumalana le setlhogo kgotsa nnyaya. ✓ A tlhagise dintlha tse di tlhotlheleditseng ntlhakemo ya gagwe. ✓ Motlhatlhojwa a ka bua ka mosola wa morutabana kgotsa mooki. ✓ Motlhatlhojwa a rotloetse bašwa go nna morutabana kgotsa mooki.

Kaedi ya go tshwaya: Tlhamo ya ngangisano

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefufufuta ya dingangisano go tshegetsa ntlhakemo ya gagwe, mme a tlhalose se.
- Tlhamo e, e tlhagisa letlhakore le le lengwe, mme dikakanyo di tlhagisiwa ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhologanyegang, mme e pateletse mmuisi go dumalana le se se tlhagisitsweng. Tlhamo ya mofuta o, e kwalwe ka pakajaanong.

[50]

1.4 TLHAMO YA KANELO

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Botlhokwa jwa dikgwebopotlana mo metseng ya rona.	✓ Motlhatlhojwa a ka bua ka mefuta ya dikgwebopotlana. ✓ Motlhatlhojwa a ka bua ka go bona madi a go simolola dikgwebopotlana. ✓ Motlhatlhojwa a ka bua ka botlhokwa jwa dikgwebopotlana mo metseng. ✓ Motlhatlhojwa a ka bua ka ditlhokego tsa go simolola kgwebopotlana. ✓ Motlhatlhojwa o tla bua ka go rotloetsa baagi go nna le dikgwebopotlana.

Kaedi ya go tshwaya: Tlhamo ya kanelo

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

[50]

1.5 TLHAMO YA MAITLHOMO

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhommo a gagwe.

Setlhogo	Dintlha tse di solofetsweng
Fa nka nna morutwanamogolo ...	✓ Motlhatlhojwa a ka tlhalosa ka maikarabelo a morutwanamogolo. ✓ A tlhagise gore ke eng se a ka se dirang fa a ka nna morutwanamogolo. ✓ Mabaka a a dirang gore a eletse go nna morutwanamogolo a tlhagelele sentle. ✓ A ka tlhagisa dikgwetlho tse di leng teng mo sekolong. ✓ A ka tlhagisa gore diphetogo tse a tlileng go tla ka tsona, di ka tokafatsa maemo a thuto le go thusa barutwana jang.

Kaedi ya go tshwaya: Tlhamo ya maitlhommo

- Tlhamo ya maitlhommo e tseye letlhakore.
- Maikutlo a tsaya karolo e e botlhokwa.
- Karolo e kgolo mo tlhamong ke go tlhalosa. Dithaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.

[50]

1.6 TLHAMO E E SA TSEYENG LETLHAKORE

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tlhalosa dikakanyo kgotsa dintlha ka tatelano, matlhakore a lekalekane.

Setlhogo	Dintlha tse di solofetsweng
Monate le bosula jwa go nna motsadi.	✓ Motlhatlhojwa a re tlhalosetse ka monate wa go nna motsadi. ✓ A tlhagise maikutlo a gagwe ka monate le bosula jwa go nna motsadi. ✓ A tlhagise mathata a motsadi a kopanang nao. ✓ A tlhagise maitemogelo a gagwe ka botsadi. ✓ Motlhatlhojwa a ka khutlisa ka go rotloetsa le go fa batsadi ba bangwe dikgakololo ka kgodiso ya bana.

Kaedi ya go tshwaya: Tlhamo e e sa tseyeng letlhakore

- Setlhogo se tshwanetse go tlhaloganngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha tse di lekalekanang.
- Motlhatlhojwa o tlhalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tseneletseng.
- Dikakanyo di rulagane, di lolame, mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

[50]

1.7– Tlhamo ya kanelo/maitlhamo/e e sa tseyeng letlhakore/ ngangisano/tlhaloso.
1.8

[50]**PALOGOTLHE YA KAROLO YA A: 50**

KAROLO YA B: DITLHANGWA TSE DILEELE TSA TIRISANO GAMMOGO LE DITLHANGWA TSE DI DIRISANG MEKGWA E E FAROLOGANENG YA TLHAELETSANO

2.1 LENANETEMA LE METSOTSO

Lenanetema ke kitsiso le kgobokanyo ka dintlhakgolo tse go tlileng go buiwa ka tsona mo kopanong e e rileng. Le thusa batlapitsong go itse se ba se bile diwang le gore batle pitsong ba ipaakantse ba rulagantse ditshwaelo tsa bona sentle.

Lenanetema le metsotso	Dintlha tse di solofetsweng
Motlhatlhojwa a kwale lenanetema le metsotso ya kopano ya dikgaisano tsa mmimo wa setso tse a neng a di tsenetse mo porofenseng ya bona.	✓ Motlhatlhojwa a tthagise leina la setheo, letlha, lefelo le nako. ✓ Motlhatlhojwa a tthagise maina a batlapitsong. ✓ Motlhatlhojwa a tthagise kgangkgolo ya kopano. ✓ Motlhatlhojwa a tthagise ditshwetso tse di tsamaisanang le setlhogo fela. ✓ Motlhatlhojwa a tthagise tshaeno ya modulasetilo le mokwaledi.

Kaedi ya go tshwaya: Lenanetema le metsotso

- Metsotso e tsamaelane le setlhogo.
- Go kwalwe ditlhogo ka tatelano mmogo le dipalo tsa tsone.
- Metsotso e tthagise letlha la kopano e e latelang.

[30]

2.2 LEKWALO LA SEMMUSO

Lekwalo la mofuta o, ke lekwalo le le kwalelwang setheo sengwe se se rileng. Mokwadi a ka kopa sengwe e ka nna phatlhatiro kana thuso ya mokgwa mongwe, e ka nna go akgola, go tthagisa ngongorego kgotsa go tshitshinya sengwe mo setheong seo.

Lekwalo la semmuso	Dintlha tse di solofetsweng
Motlhatlhojwa a kwalele lebenkele la Truworths a ngongorege ka badiri ba ba ganang go tsaya diaparo tse a di busang morago ga letsatsi la theko.	✓ Motlhatlhojwa a tthalose mabaka a a mo pateleditseng go kwala lekwalo le. ✓ Motlhatlhojwa a tthagise letlha le a rekileng diaparo ka lona. ✓ A tthagise maikutlo a kutlobotlhoko ka go se tshwarwe sentle ke badiri. ✓ Motlhatlhojwa a tthagise ditiragalo tse di bontshang go se tsholwe sentle. ✓ A khutlise ka go kopa batsamaisibagolo go tsaya dikgato tse di maleba.

Kaedi ya go tshwaya: Lekwalo la semmuso

- Motlhatlhojwa a kwale diaterese di le pedi le letlha ka botlalo.
- Ditumediso di supe gore ke lekwalo la semmuso.
- Setlhogo se tlhagele go thusa go tlhaloganya diteng tsa lekwalo.
- Dinomoro tsa mogala tsa mokwadi di tlhagelele.
- Diteng di bontshe ngongorego.
- Bokhutlo e nne jo bo kgodisang.
- Motlhatlhojwa kwa bofelong a ka tlhagisa mafoko a a latelang: Weno.
- Motlhatlhojwa a tlhagise leina la gagwe le sefane, mme a saene.

[30]**2.3 TSA BOTSHELO JWA MOSWI**

Ke tshedimose tso e e tlhagisitsweng ka botlalo fela e le khutshwane, ka ga botshelo jwa yo o tlhokafetseng.

Tsa botshelo jwa moswi	Dintlha tse di solofetsweng
Motlhatlhojwa a thuse ba losika la tsala ya gagwe ka go kwala tsa botshelo jwa moswi tsala ya gagwe yo o tlhokafetseng morago ga go tlhaselwa ke bolwetse jwa lehuba pele a kwala ditlathobho tsa bofelo jwa ngwaga.	✓ Motlhatlhojwa a latele sebopego sa go tlhagisa setlhangwa se ka tlhomamo. ✓ Motlhatlhojwa a tlhagise gore loso lwa tsala ya gagwe le bakilwe ke eng. ✓ A dirise puo e e bonolo e bile e tlhaloganyega. ✓ Motlhatlhojwa a ka kwala leboko la kwa gaabo tsala ya gagwe kwa bofelong.

Kaedi ya go tshwaya: Tsa botshelo jwa moswi

- Motlhatlhojwa a tlhagise tshedimose tso ka dintlha tse di latelang: Leina la moswi, letlha la matsalo, batsadi, boagi, dithutego, tiro, seabe mo setšhabeng, kemo ya nyalo jj.
- Motlhatlhojwa a neelane ka tshedimose tso ka botlalo, fela e nne e e maleba.

[30]**2.4 PUO**

Puo ke karolo ya botlhokwa ya go fatlhosana. Go le gantsi motho o neelana ka puo kgotsa o ema batho ka lefoko mo dikopanong kgotsa mo meletlong. Go kwala puo ya go bua le setšhaba go farologana le go bua le setlhotšhwana sa batho.

Puo	Dintlha tse di solofetsweng
Motlhatlhojwa a kwale puo e mo go yona a tlotlomatsang le go laela tsala ya gagwe ka a falotse bontle e bile a ile go tsweletsa dithuto kwa Moseja.	✓ Motlhatlhojwa a latele sebopego sa go tlhagisa setlhangwa se ka tlhomamo. ✓ Motlhatlhojwa a tlhagise mofuta wa kopano e a ileng go bua kwa go yona. ✓ A tlhagise gore bareetsi e tla bo e le bomang. ✓ A tlhagise mafoko a tlotlomatso le thotloetso go tsala ya gagwe. ✓ A kwale ka ditiragalo tse di mo kgathileng ka tsala ya gagwe.

Kaedi ya go tshwaya: Puo

- Motlhatlhojwa a tlhagise matseno, mmele le bokhutlo.
- Motlhatlhojwa a neele puo setlhogo.
- Motlhatlhojwa a neele ditumediso go bareetsi, mme dintlha di seke tsa phatlhalala.
- Motlhatlhojwa a tlhagise tshedimosetso ka dintlha tse di latelang:
 - Thulaganyo ya dintlha gore puo e elele.
 - bokhutlo e nne jo bo maleba.
- A lebogele bareetsi ka theetso ya bona le go leboga ba ba mo laleditseng. **[30]**

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO**3.1 PHASALATSO**

Phasalatso ke kitsiso e e rileng e e lemosang babuisi ka ga sengwe se se ka nnang botlhokwa mo matshelong a bona.

Mophasalatsi a ka dirisa dikuranta, dimakasine, seyalemowa le thelebišene go lemosa babuisi ka ga kgwebo.

Phasalatso	Dintlha tse di solofetsweng
Motlhatlhojwa a thale phasalatso e e buang ka mašwi.	✓ Motlhatlhojwa a kwale lefelo le mašwi a rekiwang kwa go lona. Aterese le dinomoro tsa mogala di tlhagisiwe. ✓ Motlhatlhojwa a tlhagise le go dirisa ditogamaano tsa phasalatso a lebisitse mo mefuteng e e farologaneng ya batho. ✓ Motlhatlhojwa a tlhagise kgatlhego le go dira gore phasalatso ya gagwe e ngoke. ✓ Phasalatso e nne maleba le thekiso ya mašwi.

Kaedi ya go tshwaya: Phasalatso

- Letshwao la kgwebo le tlhagisiwe sentle.
- Bareki kgotsa badirisi ba ba totilweng.
- Nako ya ditirelo e tlhagisiwe sentle.
- Puo e ngoke babuisi.
- Tshedimosetso ya megala le leina la yo go ka ikgolaganngwang le ena di tlhagisiwe.

[20]**3.2 MOLAETSAKHUTSWE (SMS)**

Ke mo mokwadi a kwalang ka maikutlo, dikakanyo le maitemogelo a gagwe.

Molaetsakhutswe (sms)	Dintlha tse di solofetsweng
Motlhatlhojwa a kwale molaetsakhutswe (sms) a gopotse tsala ya gagwe ka taletso ya go ya kwa Palamenteng ya bašwa kwa Mafikeng.	✓ Motlhatlhojwa a kwale nomoro ya mogala le aterese ya motho yo a mo kwalelang. ✓ A kwale setlhogo ka ga se molaetsa o leng ka ga sona. ✓ Motlhatlhojwa a kwale molaetsa ka botlalo, mme o nne mokhutshwane. ✓ A khutlise ka go kwala leina la gagwe.

Kaedi ya go tshwaya: Molaetsakhutswe (SMS)

- Molaetsa e nne wa botsalano e bile o nne mokhutshwane.
- Dintlha tsa botlhokwa le tse di maleba.
- Letlha le lefelo di tlhagisiwe.
- Puo e e dirisiwang e nne bonolo, e bile e ikaege ka botsalano jwa mokwadi le moamogedi.

[20]**3.3****DITAELO**

Ditaelo ke tshedimosetso ya botlhokwa e e tlhagisiwang pele go diragadiwa kana go dirwa tiro nngwe e e rileng.

Ditaelo di tlhagisa tshedimosetso mabapi le se se diriwang gore se dirwe leng, kae, jang.

Ditaelo	Dintlha tse di solofetsweng
Motlhatlhojwa a kwale ditaelo tse a tshwanetseng go di latela pele a ka simolola go lema.	✓ Motlhatlhojwa a kwale ditaelo tse a tlleng go di sala morago fa a itshimololela tshingwana ya merogo. ✓ Motlhatlhojwa a ka bua ka ditlhokego le mefuta ya didiriswa. ✓ Motlhatlhojwa a ka bua ka botlhokwa jwa go nna le tshingwana ya merogo. ✓ Motlhatlhojwa a ka bua ka kuno. ✓ Matlhatlhojwa a ka bua ka dintlha tsa temo. ✓ Motlhatlhojwa a ka khutlisa ka go rotloetsa barutwana go itshomololela ditshingwana tsa bona, le ka moo ba ka bonang thuso go tswa kwa Lefapheng la Temothuo.

Kaedi ya go tshwaya: Ditaelo

- Motlhatlhojwa a neele dintlha tsa tshedimosetso tse di tlhokegang.
- A tlhagise ka botlalo se se tshwanetseng go dirwa.
- Motlhatlhojwa a tlhagise mokgwa o a tlleng go o dirisa mo go itshimololeleng tshingwana ya merogo.
- Dipolelo tsa motlhatlhojwa e nne tse dikhutshwane e bile di nne bonolo.
- Ditaelo di tlhagisiwe ka dintlha e seng ka temana.
- Ditaelo di se ke tsa nna dintsi thata.

[20]**PALOGOTLHE YA KAROLO YA C:****20****PALOGOTLHE YA TLHATLHOBO:****100**